



Waarom HospiVision?

Niemand sal ooit kan sê hulle nooit gaan siek raak nie. Dit kan en gaan met elkeen van ons, of iemand na aan jou gebeur. Verbel jou net die vreugde wat dit sal bring indien jy weet dat daar iemand in die hospitaal is wat jou of jou geliefdes sal besoek, ondersteun, vertroos en bystaan. By HospiVision help ons mense om hulle menswaardigheid te besef al sukkel hulle met mediese en leefstyl veranderende aanpassing. Dit affekteer nie net die een wat sukkel nie, maar ook die netwerk van mense met wie hulle in verhouding staan. Die kanker, hartaanval, operasie en trauma word 'n kleiner deel van hoe hulle oor hulself dink en deur dit kan hulle weer begin fokus op dinge wat waarde toevoeg tot hulle lewens—familie, vriende, speel, spiritualiteit, kunstige uitdrukking en werk: Om die lewe met hoop te leef!

Wie is HospiVision?

HospiVision is 'n Nie-regeringsorganisasie sonder winsbejag wat sedert 1999 aktief in hospitale betrokke is. Hulle bied pastorale hulp in die vorm van berading, geestelike- en fisiese sorg aan. Die hulp fokus op alle mense in die gesondheid sektor insluitende siekes, families van siekes, en gesondheidsorg personeel. Hulle bied ook opleiding aan mense wat graag in die areas betrokke wil word as deel van die Bybelse opdrag om die liggaam van Christus toe te rus. Hulle leuse is *Touching Lives. Giving Hope.*

Rede vir HospiVision:

Meer mense lê tans in hospitale as wat enige kerk kan sê hulle in hulle banke op 'n Sondag het. Verder kan gesê word dat meer mense jaarliks deur die deure van 'n hospitaal beweeg as wat daar ooit deur die deure van kerke gaan. Hierdie is 'n gulde geleentheid wat mens nie kan verspeel nie. Die evangelie van hoop is te kosbaar om dit nie 'n impak op elk van hierdie lewens te laat hê nie.

Interessante feite:

Tygerberg hospitaal (HospiVision se kantoor in die Wes-Kaap) is die grootste hospitaal in die Wes-Kaap en 2de grootste hospitaal in die land. Dit het oor die 1300 beddens en die gemiddelde aantal dae wat pasiënte daar deurbring is 6 dae. Daar is 'n totaal van oor die 4000 personeel lede wat in die hospitaal werk. "Die oes is groot. Die arbeiders min."



HospiVision NPO (071-706-NPO) (RG/0042/09/05)

HospiVision Gauteng

Tshwane District Hospital, Pretoria, South Africa | + 27 12 329 9492 | friend@hospivision.org.za

HospiVision Cape Town

Tygerberg Hospital, Cape Town, South Africa | + 27 83 563 5494 | jako@hospivision.org.za